



## STATUTS

### 1. Num, sedia, intent

- Art. 1 Cul num CLUB DA TENNIS TRUN (CTT) exista cun sedia a Trun in'uniun tenor art. 60 ss dil CC.
- Art. 2 Il CTT intenda la pratica dil sport da tennis e promova quel a Trun e contuorn.
- Art. 3 Il CTT ei commember dall'Uniun svizra da tennis e renconuscha ils statuts e reglaments da quella.

### 2. Commembers

- Art. 4 Il club secumpona da :  
commembers da fundaziun  
commembers activs  
commembers d'honor  
juniors  
commembers passivs
- Art. 5 **Commembers da fundaziun** senumnan talas personas che han signau tochen tier la radunonza da fundaziun quotas da partecipaziun.
- Art. 6 **Commembers activs** ein giugaduras e giugadurs che han cumpleniu il 18avel onn.
- Art. 7 **Commembers d'honor** vegnan tals numnai dalla radunonza generala che han specials merets pil Club da tennis Trun. Commembers d'honor san mo commembers activs ni passivs vegnir elegi.
- Art. 8 **Juniors** ein giugaduras e giugadurs naven digl onn ch'els cumpleneschan 16 onns entochen il 18avel onn. Els vegnan recepi dalla suprastonza el club suenter haver inoltrau ina damonda, accumpignada dil consentiment dils geniturs ni dils representants legals.
- Art.9 **Commembers passivs** vegnan talas personas numnadas che sustegnan il club cun contribuziuns regularas.

### **3. Recepziun da novs commembers**

Art. 10 Damondas d'entrada ein d'inoltrar alla suprastonza dil club. Sur dalla recepziun concluda la radunonza generala. La recepziun ei da dar part en scret al petent. Ils statuts ed ils reglaments sesanflan sin la pagina d'internet dil club.

Art. 11 Tgi ch'entra el Club da tennis Trun sesutametta als statuts e reglaments da quel.

### **4. Dretgs ed obligaziuns dils commembers**

Art. 12 Commembers da fundaziun, activs e d'honor san far diever dallas installaziuns dil club enteifer ils reglaments.

Art. 13 Juniors han da schar la precedenza el diever dils plazs als commembers numnai sut art. 12, resalvau il reglament da giug.

Art. 14 Commembers da fundaziun, activs e d'honor sco era juniors han il dretg da votar alla radunonza generala.

Art. 15 Commembers d'honor han ils medems dretgs e las medemas obligaziuns sco ils commembers activs, ein denton liberai dalla contribuziun annuala.

Art. 16 Tut ils commembers ein obligai d'ademplier las pretensiuns statuidas dalla radunonza generala.

### **5. Extradada dil club da tennis**

Art. 17 L'extrada dil club, resp. Midada da categoria da commembers sa succeder mo alla fin d'in onn e quei cun informar la suprastonza en scret. L'extrada ei pér lu perfetga, cu tutt'obligaziuns viers il club ein ademplidas. Commembers han negin dretg silla facultad dil club.

Art. 18 Commembers che cunterfan als statuts, conclus ad interess dil club, che fan donn alla reputaziun dil club ni adempleschan buca lur obligaziuns finanzialas enviers il club san vegnir excludus tras la suprastonza. In commember sclaus ha la pusseviltad da recuorer alla radunonza generala. Il recuors suspenda buca la vigur dalla exclusiun. La radunonza generala decida sur dil recuors.

## 6. Organisaziun

Art. 19 Organs dil club ein:

- La radunonza generala
- La suprastonza
- Ils revisurs

## 7. Radunonza generala

Art. 20 La radunonza generala ha liug ina ga ad onn e quei l'entschatta digl onn. Ella ei obligatoria per commembers da fundaziun, activs e juniors.

Art. 21 Radunonzas extraordinarias vegnan clamadas dalla suprastonza ni sin giavisch inoltrau en scret da silmeins 1/5 dils commembers cun dretg da votar. Invitaziun e gliesta da tractandas ein da termetter medemamein silmeins 10 dis avon la radunonza als commembers.

Art. 22 La radunonza generala ha suandontas cumpetenzas:

- elecziun dils dumbravuschs
- approbaziun dil protocol
- approbaziun dil rapport annual e quen annual
- fixaziun dallas contribuziuns annualas
- elaboraziun da reglaments da giug, da plaz eav.
- elecziun dalla suprastonza e dils revisurs
- recepziun da novs commembers
- nomina da commembers d'honor
- conclus arisguard propostas da commembers e dalla suprastonza
- conclus arisguard dissoluziun dil club.

Art. 23 Propostas dils commembers alla radunonza generala ein d'inoltrar en scret alla suprastonza silmeins 5 dis avon la radunonza generala. Sur da fatschentas buca allegadas sin la gliesta da tractandas sa la radunonza generala buca decider.

Art. 24 Conclus dalla radunonza generala vegnan pri cun igl absolut pli, excepju art. 41 e 42. Per las elecziuns vala medemamein igl absolut pli. Votaziuns ed elecziuns succedan cun maun pli nun che 1/3 dils commembers presents giavischien scrutini.

## 8. Suprastonza

Art. 25 La suprastonza ei igl organ executiv dil club. Ella representa il club anoviars. La suprastonza decida sur da tuttas fatschentas ch'ei buca adossadas alla radunonza generala.

Art. 26 La suprastonza secumpona da 5 commembers

- president
- actuar (vicepresident)
- cassier
- meinagiug
- cau dils juniors

Art. 27 Ils commembers dalla suprastonza vegnan elegi per 2 onns. Reelegziun ei pusseivla. L'elecziun dil president succeda separadamein, quella dils ulteriurs commembers separadamein ni communablamein.

Vegn enteifer in bienni in post ni l'auter ella suprastonza vacants, ei quella autorisada da far ina elecziun provisorica che sto vegnir confirmada dalla radunonza generala.

Art. 28 La suprastonza ei habla da concluder, sche pli che la mesadad dils suprastonts ein presents. Ils conclus vegnan pri cugl absolut pli dallas vuschs. Suresulta paritad, ha il president, resp. Il vicepresident en assenza dil president, il dretg da decisiun.

Art. 29 La suprastonza ha la cumpetenzza da concluder sur d'ina summa da 2'000.- francs ad onn.

Art. 30 Il president segna pil Club da tennis Trun. En siu stagl sa era il vicepresident ensemen cun in auter commember da suprastonza signar valeivlamein. Pil traffic cul schec postal e culla banca sa il cassier signar persuls.

## **9. Il meinagiug**

Art. 31 Il meinagiug diregia e controllescha igl entir menaschi da giugs.

## **10. Ils revisurs da quen**

Art. 32 La radunonza generala elegia ord il ravugl dils commembers dus revisurs da quen. Lur elecziun succeda per dus onns. Reelegziun ei pusseivla. Revisurs astgan buca appartener alla suprastonza.

Ils revisurs han da surveglar il quen dil Club da tennis Trun e da rapportar surlunder alla radunonza generala en scret.

## **11. Quen dil club**

Art. 33 Igl onn da quen dil club ei identics cun igl onn calendar.

## **12. Contribuziun dils commembers**

Art. 34 La contribuziun annuala vegn fixada dalla radunonza generala. Candidats aunc buca recepi el club pagan la contribuziun annuala pro rata.

Art. 35 Commembers da fundaziun gaudan ina reducziun da 10% silla contribuziun annuala.  
Commembers d'honor ein liberai da contribuziuns.  
Commembers da suprastonza ein medemamein liberai dalla contribuziun annuala.

Art. 36 Commembers che sorteschon dil club suenter la radunonza generala pagan l'entira contribuziun pigl onn current.

## **13. Responsabladad**

Art. 37 Per deivets dil Club da tennis Trun stat l'uniun botta cun sia facultad. Ils commembers ein sclaus da scadina responsabladad persunala.

Art. 38 Il club surpren negina responsabladad per accidents ni donns da scadina natira che schabegian sils plazs da tennis, resalvau prescripziuns legalas.

## **14. Revisiun dils status, dissoluziun dil club**

Art. 39 Ils statuts san vegnir revedi dalla radunonza generala. Leutier ein 2/3 dallas vuschs dils commembers presents necessarias.

Art. 40 Per la dissoluziun dil club ein medemamein 2/3 dallas vuschs dils commembers presents cun dretg da vuschar necessarias. La facultad dil club croda alla Vischnauna da Trun culla resalva da pagar anavos quella sch'ei duess vegnir fundau enteifer 10 onns in niev club da tennis.

Quels statuts ein vegni approvai a caschun dalla radunonza generala dils 9 da mars 2018 e remplazzan ils statuts dils 28 da fevrer 2014.

Trun, ils 9-3-2018

CLUB DA TENNIS TRUN

Il president:

L'actuara:

*Erich Decurtins*

*Carla Flury-Nay*